

Mesej Dua
Pembinaan Pengantin Perempuan

Bacaan Bible: Kej. 1:26; 2:7-10, 18-25; Wahi 19:7-9; 21:9-11

I. Pembinaan Tuhan ialah perkara utama dalam seluruh Bible; pengantin Kristus ialah pembinaan Tuhan Tritunggal—“Yehova Tuhan membina tulang rusuk, yang telah diambil-Nya daripada manusia itu, menjadi seorang perempuan lalu membawanya kepada manusia itu”—Kej. 2:22:

- A. Seluruh Bible boleh disamakan dengan buku panduan pembinaan; wahi berkenaan Taman Eden, yang merupakan permulaan wahi divin dalam Bible, dan wahi berkenaan Yerusalem Baru, yang merupakan pengakhiran wahi divin dalam Bible, saling memantul.
- B. Hal yang diwahikan dalam kedua-dua bahagian Bible ini merupakan pemikiran utama Tuhan, garis utama wahi divin, dan prinsip yang mengawal pentafsiran dan pemahaman terhadap Bible:
 - 1. Kejadian 1 dan 2 merupakan pelan biru bagi rancangan pembinaan organik Tuhan untuk memperoleh binaan divin-Nya (Ibr. 11:10); Tuhan berhasrat untuk membina Kristus ke dalam konstitusi intrinsik kita supaya seluruh diri kita dikonstitusikan semula dengan Kristus; dengan cara ini, Tuhan dapat memperoleh manusia korporat untuk mengekspresikan Dia dalam imej-Nya dan mewakili Dia dengan autoriti-Nya (Kej. 1:26; 1 Kor. 3:9; Mat. 16:18; 2 Sam. 7:12-14a).
 - 2. Wahi 21 dan 22 ialah gambar bagi bangunan yang siap, yakni ekspresi korporat Tuhan Tritunggal; Yerusalem Baru ialah pantulan dan penggenapan bagi wahi divin berkenaan Taman Eden.
 - 3. Kristus akan kembali sebagai Pengantin Lelaki untuk berkahwin dengan pengantin perempuan-Nya yang akan menjadi totaliti pejayeng; pembinaan melalui pejayeng pada zaman ini adalah untuk mengkonsumasikan Yerusalem Baru pada peringkat permulaan dalam zaman kingdom (19:7-9) dan akhirnya untuk mengkonsumasikan Yerusalem Baru dengan penuh di langit baru dan bumi baru (21:2).
 - 4. Melalui kerja Roh Kudus yang berterusan dari abad ke abad, matlamat ini akan tercapai pada akhir zaman ini; pada masa itu, pengantin perempuan berserta percayawan yang jayeng akan bersiap sedia, dan kingdom Tuhan akan datang—Mat. 26:29; 13:43.
 - 5. Pengantin korporat, yakni Yerusalem Baru, akan menggenapkan dua aspek tujuan Tuhan (Kej. 1:26); pertama, Yerusalem Baru akan menjadi ekspresi penuh Tuhan yang mempunyai imej penuh Tuhan demi kemuliaan-Nya (Wahi 21:11; bd. 4:3); kedua, Yerusalem Baru ini akan menundukkan musuh, menakluki bumi, dan melaksanakan autoriti Tuhan serta dominion-Nya ke atas seluruh alam semesta (Kej. 1:26; Wahi 22:5; bd. 20:10, 14-15).
- C. Apabila kita sebagai umat Tuhan masuk ke dalam hubungan kasih dengan Tuhan, kita menerima hayat-Nya, seperti Hawa menerima hayat Adam; hayat inilah yang membolehkan kita menjadi satu dengan Tuhan dan menjadikan Dia satu dengan kita—Kej. 2:21-22.

II. Untuk Tuhan dan umat-Nya menjadi satu, mereka harus saling mengasihi; kasih antara Tuhan dengan umat-Nya yang dibentangkan dalam Bible pada asasnya adalah seperti kasih mesra antara seorang lelaki dengan seorang perempuan—Yoh. 14:21, 23; Yer. 2:2; 31:3:

- A. Apabila umat Tuhan mengasihi Tuhan dan meluangkan masa untuk bersekutu dengan-Nya dalam sabda-Nya, Tuhan menginfusi mereka dengan elemen divin-Nya agar mereka menjadi satu dengan-Nya sebagai pasangan-Nya, sama seperti-Nya dalam hayat, sifat, dan ekspresi—Mzm. 119:140, 15-16.

- B. Tuhan mengasihi kita dahulu; dengan ini Dia menginfusikan kasih-Nya ke dalam kita dan menjanakan kasih ini dalam kita supaya dengannya kita dapat mengasihi Tuhan dan dikbang-dikbang—1 Yoh. 4:19-21.
- C. Hayat yang kita terima daripada Tuhan ialah hayat kasih; Kristus menjalani kehidupan yang menghidup keluar Tuhan sebagai kasih di dunia ini, dan kini Dia hayat kita agar kita dapat menjalani kehidupan kasih yang sama di dunia ini dan menjadi serupa dengan-Nya—3:14; 5:1; 2:5-6; 4:17.
- D. Kasih alamiah kita harus diletakkan di atas salib; satu perbezaan antara kasih Tuhan dengan kasih alamiah kita ialah kasih alamiah kita mudah tersinggung.
- E. Kita harus menjadi orang yang dilimpahi dan dihanyutkan oleh kasih Kristus; kasih divin haruslah seperti arus deras yang merempuh kita, yang mendesak kita hidup terhadap-Nya di luar kawalan kita sendiri—2 Kor. 5:14.
- F. Perintah tentang kasih sesama dikbang adalah lama dan juga baru: lama, kerana percayawan sudah memilikinya dari permulaan kehidupan Kristian mereka; baru, kerana dalam gerak-hidup Kristian mereka, perintah ini berulang kali memancarkan cahaya baru serta bersinar dengan pencahayaan baru dan kudrat segar—1 Yoh. 2:7-8; 3:11, 23; bd. Yoh. 13:34.
- G. Tubuh membina dengan sendiri dalam kasih dengan menjadi pengantin Kristus (Ef. 4:16); roh kita yang dilahirkan, yang diberikan Tuhan kepada kita, ialah roh kasih; kita perlu mempunyai roh kasih yang membara-baru untuk mengatasi kejatuhan gereja hari ini (2 Tim. 1:7).
- H. “Pengetahuan membuat orang angkuh, tetapi kasih membina orang” (1 Kor. 8:1b; bd. 2 Kor. 3:6); mengasihi satu sama lain ialah tanda bahawa kita kepunyaan Kristus (Yoh. 13:34-35); suka menjadi yang pertama dalam gereja adalah berlawanan dengan mengasihi semua dikbang (3 Yoh. 9).
- I. Sebagaimana Tuan Yesus menyerahkan hayat-sukma-Nya agar kita dapat beroleh hayat divin, begitu juga kita perlu kehilangan hayat-sukma kita dan menyangkal diri untuk mengasihi dikbang dan meministerkan hayat kepada mereka semasa mengamalkan kehidupan Tubuh, demi persediaan pengantin Kristus—1 Yoh. 3:16; 4:17 dan nota kaki 5; Yoh. 10:11, 17-18; 15:13; Ef. 4:29—5:2; 2 Kor. 12:15; Roma 12:9-13.
- J. Kasih ialah jalan yang terunggul untuk kita menjadi apa-apa dan melakukan segala hal demi pembinaan gereja yang merupakan Tubuh Kristus yang organik—1 Kor. 12:31b—13:8a.

III. Kita perlu melihat apa yang telah dilakukan Tuhan untuk menghasilkan pasangan bagi diri-Nya; Kejadian 2 mewahikan gambar Kristus dan pengantin-Nya melalui tamsil Adam dan Hawa:

- A. Adam mentamsilkan Tuhan dalam Kristus sebagai Suami yang sebenar dan universal, yang mencari seorang isteri untuk diri-Nya—Roma 5:14; bd. Yoh. 3:29; 2 Kor. 11:2; Ef. 5:31-32; Wahi 19:7-9; 21:9-11.
- B. “Yehova Tuhan bersabda, Tidak baik bagi manusia itu keseorangan; Aku akan menjadikan seorang pembantu untuknya sebagai pasangannya”—Kej. 2:18:
 - 1. Adam memerlukan seorang isteri mentamsilkan dan menggambarkan bahawa Tuhan dalam ekonomi-Nya memerlukan seorang isteri untuk menjadi pasangan-Nya, pelengkap-Nya (lit., padanan-Nya); meskipun Tuhan, Kristus, adalah sempurna secara mutlak dan kekal, namun Dia tidak lengkap tanpa gereja sebagai isteri-Nya.
 - 2. Tuhan berhasrat untuk memperoleh Adam, yang mentamsilkan Kristus, dan Hawa, yang mentamsilkan gereja; tujuan-Nya ialah “hendaklah mereka berdominion” (1:26); tujuan-Nya adalah untuk memperoleh Kristus yang jayeng ditambah dengan gereja yang jayeng, iaitu Kristus yang jayeng atas kerja iblis, ditambah dengan gereja yang menggulingkan kerja iblis; Tuhan mahu Kristus dan gereja berdominion (Roma 5:17; 16:20; Ef. 1:22-23).

- C. Daripada tanah, Tuhan membentuk setiap binatang di padang dan setiap burung di langit dan membawa semuanya kepada Adam, “dan manusia itu memberi nama kepada segala ternakan dan kepada burung di langit dan kepada setiap binatang di padang, tetapi bagi Adam, tidak ditemukan seorang pembantu untuk menjadi pasangannya”—Kej. 2:19-20.
- D. Isteri harus sama seperti suami dalam hayat, sifat, dan ekspresi; antara ternakan, burung, dan binatang, Adam tidak menemukan seorang pelengkap bagi dirinya, yang dapat dipadankan dengannya—ay. 23.
- E. Untuk menghasilkan pelengkap bagi diri-Nya, pertama sekali Tuhan menjadi manusia, seperti yang ditamsilkan oleh penciptaan Adam oleh Tuhan—Yoh. 1:14; Roma 5:14.
- F. “Yehova Tuhan menyebabkan manusia itu tidur lena lalu tidurlah dia, dan Dia mengambil satu daripada tulang rusuknya dan menutup daging itu di tempat asal”—Kej. 2:21:
1. Adam tidur lena untuk menghasilkan Hawa menjadi isterinya; hal ini mentamsilkan Kristus mati di atas salib untuk menghasilkan gereja menjadi pasangan-Nya—Ef. 5:25-27.
 2. Dalam Bible, tidur bermakna mati—1 Kor. 15:18; 1 Tes. 4:13-16; Yoh. 11:11-14.
 3. Kematian Kristus ialah kematian yang membebaskan hayat, menyalurkan hayat, menyebarkan hayat, melipatgandakan hayat, dan menghasilkan semula hayat; kematian ini dilambangkan oleh biji gandum yang jatuh ke dalam tanah untuk mati dan bertumbuh agar menghasilkan banyak biji (12:24) bagi membuat roti yang merupakan Tubuh, yakni gereja (1 Kor. 10:17).
 4. Menerusi kematian Kristus, hayat divin dalam-Nya dibebaskan, dan menerusi kebangkitan-Nya, hayat divin-Nya yang dibebaskan itu disalurkan ke dalam percayawan-Nya untuk mengkonstitusikan gereja—Luk. 12:49-50; bd. Roma 12:11; Wahi 4:5.
 5. Menerusi proses ini, Tuhan dalam Kristus, menggarapkan diri-Nya berserta hayat dan sifat-Nya ke dalam manusia agar manusia dapat menjadi sama seperti Tuhan dalam hayat dan sifat, untuk dipadankan dengan-Nya sebagai pasangan-Nya.
- G. “Dan Yehova Tuhan membina tulang rusuk, yang telah diambil-Nya daripada manusia itu, menjadi seorang perempuan lalu membawanya kepada manusia itu”—Kej. 2:22:
1. Tulang rusuk yang diambil dari rusuk Adam yang dibuka mentamsilkan hayat abadi Kristus yang tidak dapat dipatahkan dan tidak dapat dimusnahkan (Ibr. 7:16; Yoh. 19:32-33, 36; Kel. 12:46; Mzm. 34:20), yang mengalir keluar dari rusuk-Nya yang ditikam (Yoh. 19:34) untuk menyalurkan hayat kepada percayawan-Nya demi menghasilkan dan membina gereja sebagai pasangan-Nya:
 - a. Dari rusuk Kristus mengalirnya darah dan air, tetapi yang keluar dari rusuk Adam hanyalah tulang rusuk, tidak ada darah.
 - b. Hal ini kerana pada masa Adam, penebusan menerusi darah tidak diperlukan kerana tidak adanya dosa; pada masa Kristus “tidur” di atas salib, terdapatnya masalah dosa; oleh itu, darah yang mengalir keluar dari rusuk Kristus adalah untuk penebusan judisial kita.
 - c. Air mengalir menyusuli darah; air ini ialah hayat Tuhan yang mengalir untuk penyelamatan organik kita (Kel. 17:6; 1 Kor. 10:4; Bil. 20:8); hayat yang divin, mengalir, dan tidak tercipta ini ditamsilkan oleh tulang rusuk yang diambil keluar dari rusuk Adam (Roma 5:10).
 2. Kejadian 2:22 tidak mengatakan bahawa Hawa dicipta tetapi dia dibina; pembinaan Hawa dengan tulang rusuk yang diambil dari rusuk Adam mentamsilkan pembinaan gereja dengan hayat kebangkitan yang dibebaskan daripada

Kristus menerusi kematian-Nya di atas salib dan disalurkan ke dalam percayawan-Nya dalam kebangkitan-Nya—Yoh. 12:24; 1 Ptr. 1:3.

3. Gereja yang merupakan Hawa sebenar ialah totaliti Kristus dalam semua percayawan-Nya; gereja ialah reproduksi Kristus; selain elemen Kristus, tidak harus ada elemen lain dalam gereja—Kej. 5:2.
- H. Hanya apa yang keluar daripada Kristus berserta hayat kebangkitan-Nya yang dapat menjadi pelengkap-Nya, sebagai pengantin-Nya (1 Kor. 12:12; Ef. 2:6; 5:28-30); gereja ialah produk tulen yang berasal daripada Kristus; gereja adalah “bersifat Kristus”, “bersifat kebangkitan”, dan syurgawi.
- I. Adam dan Hawa, yang menjadi satu, menjalani kehidupan perkahwinan bersama sebagai suami dan isteri (Kej. 2:24-25); ini menggambarkan bahawa dalam Yerusalem Baru, Tuhan Tritunggal yang terproses dan terkonsumasi sebagai Suami universal akan menjalani kehidupan perkahwinan dengan manusia yang ditebus, dilahirkan, ditransform, dan dimuliakan sebagai isteri buat selamanya (Wahi 22:17a).
- J. Dalam keabadian yang tanpa penghujung, melalui hayat yang divin, abadi, dan teramat mulia, mereka akan menjalani kehidupan yang merupakan pembauran Tuhan dan manusia sebagai satu roh, iaitu kehidupan yang terunggul dan berlimpah dengan berkat dan keriang.